

Timor - Honis Sulat Knino - Salvation Scriptures

Efesus 2:2 Hi moni ambine, fun mituin pah pinan in mo'et. Hi mituin plenat neno tnanan in kuasat le anmepu anbi ale atoni le ka natuin Uisneno sin nekan.

Nai Matius 6:10 Fun Ho, nai Kesel So Ho muplenat anbi pahtinan, ma hai mituin Ho lomim onle anbi neno tunan.

Nai Lukas 22:42 "Koi Ama, bait Hom lomi, mufinib lasi mane'at i na'ko Kau, mes kais natuin Au lomik so Ho lomim anbol nai."

Nai Yohanes 16:7-9 Mes namneo le Au eut ki lasi: Leko nesi neu ki leka Au nao. Fun kalu Au ka nao, Atuntakus nane of ka nem fa neu ki. Mes leka Au nao of Au sonu In neu ki. 8 Ma leka In nem of In nabe'ab pah pinan neu sanat, amneot ma lef lasi; 9 antom sanat, fun sin kan palsai Kau fa;

2 Nai Timotius 2:10 Es nane au sutai ale lasi nane natuin ale atoni le Uisneno anbeti nalali sin, he nat'i sin amsa napeni honis natuin Neno Anan Yesus nok apinat nabal-bal.

Roma 15:20,21 Au lomi he etun Beno Alekot na'ko Uisneno anbi bale le atoni fe ka nenaf antom Neno Anan. Fun au ka lomif he ufena mepu anbi atoni bian in sukit. 21 Mes onle antui nalali anbi Sulat Knino nak, "Atoni le fe kan simof beno antom In, of sin nit In, ma atoni le fe ka nenaf, of sin nahinen."

Kisah Rasul-Rasul 2:36,37 Es nane te ale to Israel hi mes mihin namneo, Uisneno es anmo'e Yesus le him miboni bi hau nehe nane, In es anfani Usif ma Kesel afe honis." 37 Leka sin nen lasi nane te sin nekan antu' ma sin antoti neu Nai Petrus ma neu haefin bian sin nak, "Bae, hai he mo'e lasi sa' ka?"

Ibrani 4:2 Fun beno knino nane aneut nalali neu kit, on aneut nalali sin amsa. Mes etus beno knino nane ka ma'ota fa neu sin. Fun leka sin nen nalali beno knino nane sin nekan ka nateb knino fa.

Nai Yeremia 24:7 - Nai Matius 22:37 Yesus natae nak, "Hom nek Uisneno, meki ho nekam oke, ho smanam oke, ma ho hinem oke.

Kisah Rasul-Rasul 16:14 Ma bife mese kanan bi Lidia asosa tais bauk ulu tasi, na'ko kuan Tiatira. In bife atulu nekaf neu Uisneno, es nane Uisneno anfai in nekan talan te in nen ma antao nekan neu sa' le Nai Paulus na'uab nani.

Nai Matius 13:14-16 Ma of natis neu sin Mafefa Knino Nai Yesaya in beno, le hanan nak: Of him nen ma mitnin, mes hi ka mihinef, of him kiso ma mail, mes hi ka mitaf. 15 Fun to in nekan anmafaub, ma luken antono, ma matan nabil; he nat'i kais sin nit neki sin matan, ma amnen neki sin luken, ma nahin neki sin nekan, oke te nali'on anfani nem, he nat'i Au uleko sin. 16 Mes alekot neu ho matam fun sin nitan ma neu hi lukem fun sin nenan.

Nai Yesaya 6:9,10 - Kisah Rasul-Rasul 28:27 Fun to i in nekan anmafaub, ma sin luken nen mes anmafien, ma sin matan nane nabil; he nat'i kais sin nit

neki sin matan ma nen neki sin lukan ma nahin neki sin nekan, oket nali'on anfani he au uleko sin.

Nai Markus 4:11,12 In natae nak: "Anfe neu ki he mihin lasi tolo' plenat Uisneno. Mes neu atoni abit mone nanoina sin neki lasi leta, 12 he nati, 'Sin ankiso mes ka nitan fa, sin nenan mes ka nahinen fa, he kais sin neman neu Uisneno ma Uisneno ansako sin sanat.' "

Nai Yohanes 12:39,40 Es nane te sin kan palsain fa fun Nai Yesaya na'uab nalali nak, 40 "In nafolob nalali sin matan, ma namanub sin nekan, he nati' kais sin nit neki sin matan, ma natenab neki nekan, oke te anfani neman, he nati' Au uleko' sin."

Roma 11:7,8 Es nane te lasi onme ka? To Israel sin nami mes ka napeni fa, so atoni le Uisneno anbeti sin, sin napeni nani. Ma atoni bian sin namanub sin nekan neu Uisneno. 8 Onle antui nani anbi Sulat Knino nak, "Uisneno anmo'e sin talan te sin tupan finin, sin matkenu ka nitan fa ma sin lukek ka nenan fa, talan te neno i."

2 Tesalonika 2:10,11 Of in mo'e ale ela lisan amle'ut he nasekeb ale atoni le of namle'u. Of sin namle'un fun sin kan simof ma kan lomif beno amneot na'ko Uisneno le he neki honis neu sin. 2:11 Onane te Uisneno anfe neu sin kuasat mese le nasekab sin, talan te of sin palsai neu sa' le ka amneot.

Nai Matius 13:18-23 Es nane him nen nai lasi leta nane in oten. 19 Fini le anmofu anbi lanan ninen nane maleta neu atoni le an nen Plenat Neno Tunan, mes ka nahin nani fa. Oke te amle'ut in tuaf nem ma nasik nani fini le ankifun anbi in nekan. 20 Fini le anmofu anbi faut putun nane maleta neu atoni le an nen a'at nane, ma ansimo nani nok amlilit. 21 Mes a'at nane ka naba'af anbi sin nekan ma anmoni ka lob fa. Leka susal ai hamu'it nem neu sin natuin a'an knino, sin nekan ateb knino nane namneku. 22 Fini le anmofu anbi kisan nane maleta neu atoni le in nen a'at nane. Mes lasi a'unu ma maus pah pinan a'neo nis a'at nane anbi sin nekan talan te ka nafuaf. 23 Ma fini le anmofu anbi nain alekot nane maleta neu atoni le in nen a'at nane ma nahin nani. Oke te sin nafuan, bian natun mese, bian bo'ne ma bian bo'tenu."

2 Korintus 3:15,16 Ma tal neno i amsa, kalu sin ansoi Nai Musa in sulat, kubat nane fe ankub sin nekan. 16 Mes leka es nali'on anfain nem neu hit Usif, of nait kubat nane na'ko in human.

Nai Hosea 11:3-7 - Nai Matius 11:28-30 Aim nai meu Kau, ale hi ahaet ma aloi mafena, of Au fe ki snasat. 29 Mituin nai Au plenat sin ma minoina na'ko Kau, fun Au nek manone ma nek baun Kau ma hi monim of napeni snasat. 30 Fun plenat le Au fe nane neki halinat ma Au baut nane anmanaf."

Kisah Rasul-Rasul 26:18 he nati' hom fei sin matan he nate'unok na'ko mesokan neu meusine ma na'ko kuasat Nitu neu Uisneno, he nati' nekan nateb neu Kau ma napeni sako sanat ma ansimo bael tulu le Uisneno naloitan nani neu ale atoni knino sin.

2 Nai Timotius 2:24-26 Atoni le anmepu neu Usif tunan in ka nebe'i hen

matoe. So infef leko neu ale atoni, ma nanoina atoni nok alekot ma seusabat. 25 In mes antopu ma anhel ale atoni nakfatu nok nek aklati. So Uisneno anfe mainuan neu ale atoni nane ha nati' nateunok na'ko sin sanat ma nahin lasi noina amneot. 26 Nok lasi nane te, sin nekan nahin anfan, ma nafetinok na'ko Nitu ini le'o le anfutu nalali sin ma naseke sin he natuin in lomin.

Wahyu 3:17-19 Fun ho mak: 'Au amu'it kau ma au umu'ib kuk au aok ma au ka nukan fa sa'-sa'. Mes ho ka muhinef, nak ho manukat a'naek ma ho susal a'naek! Ho mamu'i, ho monas, ma amfol. 18 Es nane Au fainek ko, he nati' hom sosa mnatu na'ko Au, esle' mnatu alekot, he nati' hom fain amu'it. Ma amsos blua pake muti amsa na'ko Au, he nati' hom pake ma amkub ho aom le monas ma namaeba ko. Ma amsos mina, hem nose neu ho matam, he nati' ho mit amfani. 19 Atoni le Au nek, Au ukain ma Au biso. Es nane te so hom hataniom ma muteu'nom mu'ko ho sanat sin. 20 Kiso! Au hake bi eno ma Au leuk eno. Kalu anmu'i atoni le amnen Au hanak ma nasoitan eno, of Au tam u'eku okan; of Au bukae ok in, ma in bukae nok Kau.

2 Korintus 7:10 Fun nek susal natuin Uisneno In lomin, nate'un hi nekam ma neki honis neu ki. Ma kan mu'if atoni le natofon natuin lasi nane. Mes susal le na'ko pah pinan i neki ki neu maten.

2 Korintus 4:4 Uisneno teta batan i, nafolob atoin ka apalsait sin nekan. In nafolob sin tal sin ka nitaf beno knino neu Neno Anan In apinat le namasab Uisneno In human.

Nai Lukas 8:11-15 Lasi leta i in oten nak: Fini nane a'an Uisneno kun. 12 Amofut bi lalan ninen nane esle' atoni anenat; nalali te nitu in nem naiti a'an nane na'ko sin nekan he nati' kais sin nekan nateb knino ma napeni honis. 13 Ma amofut bi fatu nane esle' sin le nen a'an nane ma ansimo nani nok nek amlilat. Mes a'at nane kan mu'if ba'at anbi sin nekan. Sin nateb leku tuka, ma kalu su'at nem neu sin oke te sin naskotun. 14 Le amofut anbi katila nane esle' atoni le sin nen a'an nane, ma anbi a'at nane in monin, sin hapnesok nok lasi a'unu, ma lasi amu'it, ma monit amlilat, talan te sin ka napoitan fa fuaf amnatus. 15 Ma amofut bi nain alekot nane, esle' atoni le sin nen a'an nane, ma napan bi sin nekan alekot oket napoitan fuan nok nek asutais."

Kisah Rasul-Rasul 15:11 Mes hit nekak nateb knino natuin Usif Yesus Neno Anan In halinat aknino of hit tapeni honis onle sin amsa."

Roma 8:13 Fun kalu hi moni mituin ta'uf pah pinan, of hi mate. Mes kalu nok kuasat Smanan Knino, hi mimate hi aom in mo'et of hi moni.

1 Usif 18:37 - God turned heart back to God